



## KENYATAAN / SIARAN AKHBAR

Untuk maklumat lanjut sila hubungi:  
**Bahagian Komunikasi Korporat**  
**Perbadanan Putrajaya**  
Tel: 03-88877033 Faks: 03-88811008



## FESTIVAL LIGHT AND MOTION PUTRAJAYA 2019 SASAR 1.5 JUTA PENGUNJUNG

**PUTRAJAYA, 28 Disember 2019** – YB Menteri Wilayah Persekutuan, Tuan Haji Khalid Abdul Samad menyempurnakan Majlis Pelancaran Festival Light and Motion Putrajaya (LAMPU) 2019 di Dataran Putrajaya, Presint 3.

Turut hadir Ketua Setiausaha Kementerian Wilayah Persekutuan, Datuk Hajah Rosida binti Jaafar dan Presiden Perbadanan Putrajaya (PPj) YBhg Datuk Dr. Aminuddin Bin Hassim.

Berlangsung pada 28 sehingga 31 Disember 2019 dari jam 8.30 malam hingga 12.30 tengah malam bertujuan untuk mempromosi dan menonjolkan Putrajaya sebagai bandar perintis di Malaysia yang menerapkan elemen pencahayaan bersistematik dan dinamik dalam perancangan dan pembangunan bandar raya. PPj menasaskan kunjungan 1.5 juta orang ke festival ini.

Edisi ke-7 LAMPU menawarkan konsep kepelbagaian etnik dan budaya yang menampilkan lebih 20 tarikan antaranya taman-taman bertema dan *standing sculptures*. Antara tarikan utama adalah '*The Grand Projection Mapping*' yang menampilkan teknologi visual dan audio terkini serta pencahayaan beresolusi tinggi di fasad bangunan Istana Kehakiman. Tahun ini memaparkan tema *Beautiful Malaysia* membawa penceritaan sejarah, budaya, sukan, flora dan fauna, keunikan makanan dan kejayaan yang dikecapi oleh Malaysia.

Tarikan baharu 'Planetarium 360' menampilkan struktur dome 20 meter radius berketinggian 10 meter yang dihiasi dengan pertunjukan cahaya visual 360 darjah dan *surround sound effect*. Selain itu, LAMPU 2019 turut membawakan elemen Laman Kampung Melayu, *China Town Street* dan *Little India Street*.

Segmen-segmen lain yang menarik adalah *lighting effect* di bangunan kompleks PPj, persembahan kumpulan muzik jalanan, wayang kulit, wayang pacak, *fire eaters*, toy arcade, kids zone, *interactive board game*, *fitness fiesta*, *remote control air plane* dan persembahan kesenian.

Julung kali pada tahun ini, pengunjung berpeluang merakamkan ucapan secara swafoto yang akan dipaparkan pada layar utama di Bangunan Istana Kehakiman.

Bagi kemudahan para pengunjung, PPj turut menyediakan khemah teduhan hujan dan perkhidmatan *shuttle bus* dari Putrajaya Sentral ke tapak festival secara percuma. Seramai 135 sukarelawan juga bersedia membantu pengujung-pengunjung yang hadir.

Malam Ambang Tahun Baharu 2020 pula akan ditambah keceriannya dengan Pertunjukan Bunga Api (*Live Fireworks Show*) dan Pertunjukan Bunga Api Digital (*Digital Fireworks Show*).

Sebarang maklumat lanjut berhubung Majlis Pelancaran Festival Light and Motion Putrajaya (LAMPU) 2019, sila hubungi Pegawai Media, En. Mohd Fairus Bin Mohd Padzil di talian 03-8887 7347/019-3354346 atau En Ahmad Fazila Othman di talian 03-88877325/012-5761490.

**(TENGGU AINA BINTI YTM TENGGU ISMAIL SHAH)**

**Pengarah**

**Bahagian Komunikasi Korporat**

b.p. Presiden Perbadanan Putrajaya

Tarikh: Disember 2019